

Na osnovu člana 75. stav 2. tačka c) Zakona o zaštiti tajnih podataka („Službeni glasnik BiH“ broj: 54/05 i 12/09), i člana 61. stava 2. Zakona o upravi („Službeni glasnik BiH“ broj: 32/02 i 102/09), ministar sigurnosti d o n o s i,

## INSTRUKCIJA O NAČINU ODREĐIVANJA I OZNAČAVANJA TAJNOSTI PODATKA

### OSNOVNE ODREDBE

#### Član 1.

(Predmet)

Instrukcijom o načinu određivanja i označavanja tajnosti podatka se bliže utvrđuje postupak za određivanje tajnosti podataka, promjena stepena tajnosti, označavanje tajnih podataka i ukidanje tajnosti, od strane ovlaštenih lica u institucijama ili pravnim licima u skladu Zakonom o zaštiti tajnih podataka (“Službeni glasnik BiH” br.54/05 i 12/09) (u daljem tekstu: Zakon) i na osnovu drugih propisa iz oblasti zaštite tajnih podataka.

#### Član 2.

(Pravni okvir)

Određivanje i označavanje tajnosti podatka regulisano je:

- a) članovima od 13. do 27. Zakona;
- b) članovima od 3. do 9. Pravilnika o načinu i obliku oznaka tajnosti podataka, te fizičkim, organizacionim, tehničkim mjerama i postupcima za čuvanje tajnih podataka (“Službeni glasnik BiH” broj 97/06) u daljem tekstu Pravilnik.

### ODREĐIVANJE TAJNOSTI

#### Član 3.

(Određivanje tajnosti)

- 1) Određivanje tajnosti podataka je postupak kojim se podatak određuje kao tajna s određenim karakterom, stepenom i rokom tajnosti.
- 2) Tajni podatak odgovarajućeg stepena tajnosti mogu odrediti samo lica ovlaštena za određivanje tajnosti podatka u skladu sa članom 13. i 14. Zakona.
- 3) Ovlašteno lice pri određivanju stepena tajnosti obavezno je odrediti najniži stepen tajnosti koji obezbjeđuje odgovarajuću zaštitu podatka.

#### Član 4.

##### (Lista poslova)

- 1) Svaki organ, institucija ili pravno ili fizičko lice koje je Zakonom ovlašteno da određuje stepen tajnosti podatka u okviru svojih nadležnosti a naročito u vezi sa članom 8. Zakona može usvojiti listu poslova u okviru kojih, na osnovu procjene sigurnosnog značaja podatka, mogu nasti tajni podaci odgovarajućeg stepena.
- 2) U listi se navodi oblasti iz koje može nastati tajni podatak navodeći obavezu određivanja najnižeg stepena tajnosti koji je dovoljan za zaštitu tajnosti podataka ponuđen u okviru liste.
- 3) Listu usvaja rukovodilac organa i revidira se jednom godišnje a po potrebi i češće.

#### Član 5.

##### (Prijedlog za određivanje tajnosti)

- 1) Svako zaposleno, imenovano ili postavljeno lice koje obrađuje podatak iz poslova iz kojih mogu nastati tajni podaci ukoliko procjeni sigurnosni značaj podatka, obavezno je predložiti određivanje stepena tajnosti za podatak.
- 2) Prijedlog se izrađuje u pismenoj formi. Sadrži obrazloženje gdje se navodi osnovanost prijedloga za određivanje podatka određenim stepenom tajnosti, pozivajući se na član 19. Zakona. Prijedlog se dostavlja rukovodiocu organa odnosno ovlaštenoj osobi za određivanje stepena tajnosti.

#### Član 6.

##### (Ocjena)

- 1) Rukovodilac organa na osnovu prijedloga donosi Ocjenu o mogućoj štetnosti koja može nastati ili će nastati po sigurnost Bosne i Hercegovine odnosno organa ili institucije u slučaju neovlaštenog otkrivanja tajnog podatka. navodi razloge štetnosti i period na koji se podatak označava stepenom tajnosti odnosno način prestanka tajnosti propisan Zakonom o zaštiti tajnih podataka.
- 2) U ocjeni se navodi:
  - a) bezbjednosni značaj podatka i stepen tajnosti kojim se označava,
  - b) period na koji se tajnost određuje odnosno način prestanka tajnosti,
  - c) dokument određeni stepenom tajnosti od strane drugog organa ili institucije koji se koristi pri izradi tajnog podatka,
  - d) ko je primalac tajnog podatka,
  - e) broj primjeraka u kom je izrađen dokument označen sa stepenom tajnosti.
- 3) Prijedlog Ocjene može pripremiti lice koje priprema prijedlog za određivanje stepena tajnosti i u tom slučaju dostavlja se ovlaštenom licu na ocjenu i prihvatanje. Ocjena se čuva uz originalni dokument označen stepenom tajnosti.
- 4) Primjer prijedloga za određivanje tajnosti i ocjene se nalazi na obrascu i sastavni je dio ove Instrukcije.

## Član 7.

(Ostali slučajevi određivanja tajnosti)

- 1) Ukoliko se u tajnom podatku koji nastaje, koriste doslovno podaci kojima je ranije bio određen stepen tajnosti, novi dokument koji nastaje mora nositi najmanje istu oznaku tajnosti koju je predhodno odredilo ovlašteno lice.
- 2) Ako se tajni podaci koriste pri objedinjavanju, preformulaciji, parafraziranju ili izradi novih tajnih podataka, određuje im se odgovarajući stepen tajnosti koji pruža dovoljan stepen zaštite u odnosu na procjenu štete ukoliko bi došlo do neovlaštenog otkrivanja tajnog podatka.
- 3) Akti kojim se vrši dostavljanje tajnih podataka označavaju se se istim stepenom tajnosti kao i dokument koji se dostavlja, prepisujući i druge podatke koji se odnose na ovlašteno lice za određivanje tajnosti, datum nastanka tajnosti, način prestanka i drugo. U takvom aktu iz može se u napomeni navesti da, taj akt bez priloga odnosno tajnog podatka koji se dostavlja, ne predstavlja sam po sebi tajni podatak.

## OZNAČAVANJE

## Član 8.

(Označavanje tajnog podatka)

- 1) Svaki dokument koji sadrži tajni podatak mora biti propisno označen i to:
  - a) stepenom tajnosti,
  - b) podacima o organu ili instituciji čija je ovlaštena osoba odredila tajnost podatku,
  - c) podacima o ovlaštenom licu (ime, prezime broj i datum ovlaštenja),
  - d) datum određivanja tajnosti podatka,
  - e) načinom prestanka tajnosti,
  - f) načinom dostavljanja,

Za tajne podatke stepena Tajno i Vrlo tajno dodatno se navodi:

- a) broj primjeraka,
  - b) ukupan broj stranica dokumenta,
  - c) prateća dokumentacija i prilozi.
- 2) Ukoliko tajni podatak određuje lice na koje je preneseno ovlaštenje u skladu sa članom 13. stav (2) tačka p) i q) Zakona, na dokumentu koji je označen stepenom tajnosti mora biti jasno naznačeno ime lica na koje je preneseno ovlaštenje i broj akta kojim se ovlaštenje prenijelo.
- 3) U slučaju kada se stvara dokument koji je popratni akt nekog drugog dokumenta koji nosi oznaku tajnosti a nastao je od strane drugog organa ili institucije, obavezno se navodi u dijelu akta gdje se upisuju podaci o stvaraocu tajnog podatka, podaci o organu ili instituciji koja je označila tajni podatak.
- 4) Ako se dokument označen stepenom tajnosti sastoji iz više strana, na svakoj strani pri dnu pored stepena tajnosti mora da je označena rednim brojem i to u odnosu na ukupan broj strana (3/7).

## Član 9.

### (Pogrešno označavanje tajnog podatka)

- 1) Ukoliko organ ili institucija zaprimi dokument koji nije označen u skladu sa odredbama Zakona i članom 3. Pravilnika, odnosno nije određen od strane ovlaštenog lica, smatraće se kao podatak bez stepena tajnosti i sa tim podatkom će se postupati kao sa podatkom koji nema oznaku tajnosti. O tome će se obavijestiti stvaralac podatka.
- 2) Rukovodilac organa koji zaprimi podatak iz stava 1) može da procjeni bezbjednosni značaj takvog podatka te da s tim podatkom postupa kao s tajnim podatkom.
- 3) Postupak iz stava 2) primijenit će se i u slučaju kada je tajni podatak određen stepenom tajnosti od osobe koja nema zakonsko ovlaštenje da odredi dokument određenim stepenom tajnosti.

## PROMJENA STEPENA TAJNOSTI I PRESTANAK TAJNOSTI PODATKA

## Član 10.

### (Promjena stepena tajnosti)

- 1) Stepen tajnosti podatka može promijeniti samo ovlašćena osoba koja je taj stepen tajnosti odredila. Stepen tajnosti se mijenja kada se na osnovu sigurnosne procjene podatka utvrdi da je potrebno odrediti drugu odgovarajuću oznaku tajnosti podatka.
- 2) Prijedlog o promjeni stepena tajnosti može uputiti i zakonski korisnik tajnog podatka ako smatra da tajnost nije opravdana ili nije određena na odgovarajući način.
- 3) O promjeni stepena tajnosti obavještavaju se svi korisnici tajnog podatka kojima je tajni podatak ustupljen na korištenje.

## Član 11.

### (Prestanak tajnosti podatka)

- 1) Tajni podatak prestaje na jedan od slijedećih načina:
  - a) određenog datuma,
  - b) završetkom određenog događaja,
  - c) istekom određenog vremena,
  - d) ukidanjem od ovlaštene osobe.
- 2) Način i rok prestanka tajnosti može biti promijenjen odlukom ovlaštene osobe koja je tajnost odredila.
- 3) Ukoliko je kao način prestanka tajnosti određen ukidanjem od strane ovlaštenog lica svako ovlašteno lice koje određuje tajnost podatka dužno je da kada se za to steknu uslovi, odnosno kada na osnovu sigurnosne procjene prestane potreba za oznakom tajnosti podatka, tajnost podatka ukine.

Član 12.

(Ukidanje tajnosti podatka)

- 1) Tajnost se može ukinuti odlukom ovlaštenog lica i u slučaju kada je predviđen drugi način prestanka tajnosti, ukoliko ovlašteno lice procijeni da nema više potrebe da se podatak štiti određenim stepenom tajnosti.
- 2) Obrazloženje i odluka o ukidanju stepena tajnosti mora biti u pisanoj formi i sastavni je dio spisa.
- 3) Obrazac odluke o ukidanju tajnosti odnosno odluke o promjeni načina i roka prestanka tajnosti nalazi se u prilogu instrukcije.

Član 13.

(Završne odredbe)

Ova instrukcija stupa na snagu danom donošenja i ista se objavljuje na službenoj web stranici Ministarstva sigurnosti Bosne i Hercegovine.

Broj: 11-04-3-9023-1/16

Dana: 29.12.2016.



MINISTAR

Dragan Mektić

Obrazac br. 1.

INSTITUCIJA

Broj: \_\_\_\_\_

Dana: \_\_\_\_\_

PREDMET: Prijedlog za određivanje stepena tajnosti (upisati stepen) za dokument “(naziv dokumenta)”

(organizaciona jedinica) je izradio akt pod nazivom (naziv akta).

Predlažemo da se odredi stepen tajnosti (stepen tajnosti) za navedeni dokument, obzirom na to da bi neovlašteno otkrivanje činjenica navedenih u istom (kraće obrazloženje uz navođenje odredbi Zakona)

SAGLASAN: \_\_\_\_\_

(ovlašteno lice)

Uputstvo:

U dispozitivu se upisuje stepen tajnosti (INTERNO, POVJERLJIVO, TAJNO, VRLO TAJNO ) bliža odrednica podatka (npr. o saznanjima koji se odnose na okolnosti koje mogu imati sigurnosni značaj iz određenih razloga)

- a) Za stepen tajnosti INTERNO da je vidljivo da bi neovlašteno otkrivanje moglo štetiti djelovanju državnih, entitetskih ili organa, organizacija ili institucija na drugim nivoima državne organizacije BiH;
- b) Za stepen tajnosti POVJERLJIVO da je vidljivo da bi neovlašteno otkrivanje nanijelo štetu sigurnosti ili interesima BiH;
- c) Za stepen tajnosti TAJNO da je vidljivo da bi neovlašteno otkrivanje nanijelo izuzetno štetne posljedice po sigurnosne, ekonomske, političke ili druge interese BiH;
- d) Za stepen tajnosti VRLO TAJNO da je vidljivo da bi neovlašteno otkrivanje ugrozilo integritet BiH nanijelo državi nepopravljivu štetu.

Obrazac broj 2.

Broj: \_\_\_\_\_

Dana: \_\_\_\_\_

PREDMET: Prijedlog za ukidanje/promjenu stepena tajnosti (upisati stepen tajnosti) za dokument (naziv dokumenta ili broj)

(organizaciona jedinica), je izradio akt pod nazivom (naziv akta)

U skladu sa članom 22./23 Zakona o zaštiti tajnih podataka, predlažemo da se ukine/promijeni stepen tajnosti (stepen tajnosti) za navedeni dokument, obzirom da \_\_\_\_\_ (obrazloženje)

SAGLASAN: \_\_\_\_\_

Ovlašteno lice